

REGULAE, ORDINATIONES ET CONSTITUTIONES CANCELLARIAE APOSTOLICAE...

Chiesa Cattolica : Cancelleria
apostolica, ...





13-20. b. 64.

*Ex Libris Monij S. Cracis in Ierusalem
Romæ anno 1721.*

X. 1721

148. B.

REGVLÆ,
ORDINATIONES
ET CONSTITVTIONES
Cancellariæ Apostolicæ.

S.^{MI} D. N.

D. ALEXANDRI
Diuina Prouidentia Papæ VII.



ROMÆ, Ex Typographia Reu. Camera Apost.
M. DC. LV.

Emmanuel Zangherus

THE UNIVERSITY OF

CHICAGO

LIBRARY

OF THE

CHICAGO

UNIVERSITY

OF THE



CHICAGO, ILL. APRIL 1907

[Handwritten signature]

[Handwritten signature]

REGVLÆ,
Ordinationes, & Constitutiones
Cancellariæ Apostolicæ

S.^{MC} D. N. ALEXANDRI

Diuina prouidentia PP. VII.

Sanctissimus in Christo Pater,
& D. N. D. ALEXANDER
Diuina prouidentia Papa VII.
suorum Prædecessorum vestigijs
inhærendo, normam, & ordinem
rebus gerendis dare volens, in cra-
stinum suæ Assumptionis ad sum-
mi Apostolatus apicem, videlicet,
die septima mensis Aprilis Anno
ab Incarnatione Domini millesi-
mo sexcentesimo quinquagesimo
quinto, Reservationes, Consti-
tutiones, & Regulas infra scriptas

fecit, quas etiam ex tunc, licet nondum publicatas, & suo tempore duraturas observari voluit, ac quas Nos Franciscus Episcopus Portuensis Cardinalis Barberinus Sanctæ Romanæ Ecclesiæ Vicecancellarius die vigesima eiusdem mensis in Cancellaria Apostolica publicari fecimus.

Reservationes generales, & speciales.

1. In primis fecit easdem Reservationes, quæ in Constitutione fel. record. Benedicti PP. XII. quæ incipit, *Ad regimen*, continentur, & illas innouavit, ac locum habere voluit etiam si Officiales in eadem Constitutione expressi Apostoli-

5
Stolicæ Sedis Officiales ante obitū
eorum esse defierint, quoad Bene-
ficia, quæ tempore, quo Officiales
erant, obtinebant. Declarans ni-
hilominus beneficia, quæ dictæ Se-
dis Officiales, qui ratione officio-
rum suorum huiusmodi eiusdem
Sedis Notarij erant, etiam dimis-
sis ipsis officijs, & quandocumque
assecuti fuerint sub huiusmodi re-
seruationibus comprehendi. Ac
reseruauit Beneficia, quæ per Cō-
stitutionem piæ mem. Ioannis PP.
XXII. quæ incipit, *Execrabilis*, va-
cant, vel vacare contigerint. Quam
Constitutionem, & reseruatiōem
S. S. tam ad Beneficia obtenta,
quam alia quæcumque, de quibus
Ordinarij, & alij Collatores con-
tra Concilij Tridentini decretū,

disposuerunt, & disponent in futurum extendit, & ampliauit, & ea etiam beneficia omnia dispositioni suæ referuauit, de quibus per dictos Ordinarios, aut alios Collatores contra eiusdem Concilij decretorum formam dispositum fuerit. Decernens irritum, &c.

Reservatio Cathedralium Ecclesiarum, & Monasteriorum, ac de tempore vacationis Episcopatum, vacaturorum Beneficiorum.

Item, referuauit generaliter omnes Ecclesias Patriarchales, Primatiales, Archiepiscopales, Episcopales, necnon omnia Monasteria Virorum, valorem annum duce-

torum florenorum auri communi
 extimatione excedentia, nunc quo-
 modocumque vacantia, & im-
 psterum vacatura. Et voluit, quod
 excessus huiusmodi in litteris ex-
 primatur. Ac etiam reservavit Di-
 gnitates, & Beneficia omnia ad
 collationem, præsentationem,
 electionem, & quamcumque aliam
 dispositionem Patriarcharum, Pri-
 marum, Archiepiscoporum, & Epi-
 scoporum, nec non Abbatum, ac
 aliorum quorumcumque Collato-
 rum, & Collatricum secularium,
 & regularium quomodolibet (non
 tamen ad collationem cum alio,
 vel alijs, aut etiam ad alterius præ-
 sentationem, vel electionem perti-
 nentia) quæ post illorum obitum,
 aut Ecclesiarum, seu Monasterio-
 rum,

rum, vel aliarum Dignitatum suarum dimissione, seu amissionem, vel priuationem, seu translationem, vel alias quomodocumque vacauerint, usque ad prouisionem successorum ad easdem Ecclesias, aut Monasteria, vel Dignitates Apostolica auctoritate faciendam, & adeptam ab eisdem successoribus pacificam illorum possessionem quomodocumque vacauerint, & vacabunt in futurum. Decernens irritum, &c.

*Extensio reservationis Beneficiorum
per affectuam pacificam
vacaturorum.*

Item, si qui de beneficijs Ecclesiasticis præsertim curam ani-

(107)

+

A

ma-

marum habentibus, seu alias per-
sonalem residentiam requirenti-
bus, dum pro tempore vacant apo-
stolica auctoritate prouisi, seu pro-
uidendi, ante illorū assecutionem,
alia cum eisdem incompatibilia
beneficia Ecclesiastica per eos tunc
obtenta in fraudem reservationis
suæ resignarent, seu dimitterent,
voluit, decreuit, & declarauit, quod
si impofterum quibuscumque personis
de aliquibus beneficijs Ecclesiasti-
cis, tunc vacantibus, seu vacaturis
per Sanctitatem Suam, aut eius
auctoritate prouideri, ipsosque
prouisos, seu prouidendos intra
vacationis, & prouisionis, seu asse-
cutionis eorundem Beneficiorum
tempora, quaecumque alia cum il-
lis incompatibilia beneficia Eccle-
sia-

siastica ſæcularia, vel quorumuis
 ordinum, ac etiam Hoſpitalium,
 Regularia per eos tunc obtenta,
 nulla ſpeciali, & expreſſa de eiſ-
 dem in prouiſionibus prædictis fa-
 cta mentione, ſimpliciter, vel cauſa
 permutationis, ac alias quomodo-
 libet, ſiue in Sanctitatis Suæ, vel
 alterius Romani Pontificis pro
 tempore exiſtentis, aut Legatorū,
 vel Nunciorum dictæ Sedis, ſiue
 Ordinariorum, vel aliorum Col-
 latorum quorumcumque manibus
 reſignare, ſeu dimittere, aut iuribus
 ſibi in illis, vel ad illa competenti-
 bus cedere contigerit, omnes, &
 ſingulæ conceſſiones, collationes,
 prouiſiones, & quæuis aliæ diſpo-
 ſitiones de Beneficijs, ſeu iuribus
 ſic reſignandis, dimittendis, & ce-
 den-

dendis pro tempore faciende cum
inde sequitis quibuscumque cas-
sae, & irritae, nulliusque roboris, vel
momenti existant, nec cuiquam,
suffragentur, sed beneficia, & iura,
ut praefertur resignata, dimissa, &
cessa eo ipso vacent, ac sub refer-
uatione praedicta, quam Sanctitas
Sua, etiam quoad hoc extendit, &
ampliauit comprehensa censean-
tur. Ita quod de illis per alium,
quam per eandem Sanctitatē Suam,
vel pro tempore existentem Ro-
manum Pontificem nullatenus dis-
poni possit, in omnibus, & per om-
nia perinde ac si per pacificam as-
secutionem beneficiorum aliorum
huiusmodi vere, ac realiter vaca-
uissent. Ac ulterius voluit Bene-
ficio, de quo resignans fuerit au-
cto-

Et oritate Apōstolica prouisus, ac
 per cuius assequutionem Benefi-
 cia vacare debebāt, vt prius vacare
 perinde, ac si collatio fauore resi-
 gnantis facta non fuisset, saluis ta-
 men quibuscumque iuribus com-
 petentibus alteri parti ad cuius fa-
 uorem facta esset resignatio, etiam
 ex causa permutationis, summarie,
 simpliciter, & appellatione remo-
 ra exercendis, Decernēs irritū, & c.
 attentari.

*Reservatio Dignitatum, necnon suo-
 rum, & S. R. E. Cardinalium
 familiarium, beneficio-*

rum.
 Item, reservauit generaliter
 dispositioni suae omnes Dignitates

maio-

maiores post Pontificales, in Cathedralibus etiā Metropolitanis, & Patriarchalibus, necnon valorem decem florenorum auri communi extimatione excedentes, principales in Collegiatis Ecclesijs. Reservavit etiam Prioratus, Præposituras, Præpositatus, ac alias Dignitates Conventuales, & Præceptorias generales Ordinum quorumcumque (sed non militiarum), ac quæcumque Beneficia, quæ sui, etiam dum Cardinalatusungebatur honore existentes, ac S.R.E. viventium nunc, & qui erunt pro tempore Cardinalium familiares continui commensales obtinent, & imposterum obtinebunt eorum familiaritate durante, ac in quibus, seu ad quæ ius eis competit, aut

aut competiēris, etiam si ab ipsa familiaritate per obitū Cardinalium eorumdeni, vel alias recesserint, Declarans Dignitates, quæ in Cathedralibus etiam Metropolitanis post Pontificales non maiores existunt, & quæ ex Apostolicæ Sedis Indulgentia, vel ordinaria auctoritate, aut consuetudine præscripta, vel alias quouis modo in quibuscumque Collegiatis Ecclesijs principalem præminentiam habere noscuntur sub reservatione prædicta comprehendendi debere. Decernens irritum, &c.

*Reservatio Beneficiorum in Collecto-
rariis, & Subcollectorum.*

Item, reservavit generaliter

306

omnia,

omnia, & singula Beneficia Ecclesiastica quorumcumque Collectorum, & Vnicorum in quacumque Civitate, vel Diocesi, qui suo tempore Officia exercuerint, Subcollectorum fructuum, & proventuum Camerae Apostolicę debitorum, illa videlicet Beneficia dumtaxat, quę durante eorū Officio obtinebant, & in quibus, seu ad quę ius eis competebat. Decernens irritum, &c.

*Reservatio Beneficiorum Curialium,
dum Curia transfertur.*

6. Item, reservavit omnia, & singula Beneficia Ecclesiastica quorumcumque Curialium, quosdam Curia Romana de loco ad locum

locum transfertur, eam sequendo
 decedere cōtigerit in quouis loco,
 quantumcumque etiā à dicta Cu-
 ria remoto. Decernens irritū, &c.

*Reservatio Beneficiorum Cubicula-
 riorum, & Cursorum.*

7. Item, reservavit generaliter
 idem D. N. PP. dispositioni suæ
 omnia Beneficia Cubiculariorum,
 etiam honoris nuncupatorum, ac
 Cursorum suorum, declarans in
 prædecessorum suorum Romano-
 rum Pontificum Constitutionibus,
 & Regulis Reservatorijs Benefi-
 ciorum Cubiculariorum, etiam
 Cubicularios honoris nūcupatos,
 etiam à die earum editionis, & pu-
 blicationis intelligi, & compre-
 hendi,

hendi, ac comprehensos fuisse, & esse. Irritumq. &c. attentari. Decernens.

Reservatio Beneficiorum Ecclesiarum S. Ioannis Lateranen. & Sancti Petri, ac Beatæ Mariæ Maioris de Vrbe, & Beneficiorum titularum Cardinalium à Curia absentium.

8. Item, reservavit dispositioni suæ generaliter quoscunq; Canonicatus, & Præbendas, ac Dignitates, Personatus, & Officia in S. Io. Lateranensis, & Principis Apostolorum, ac Beatæ Mariæ Maioris de Vrbe ecclesijs, necnon ad collationem provisionē, & præsentationē, seu quamvis aliam disposi-

—A

B

tionem

Monem S. R. E. Cardinaliam à Ro-
mana Curia absentium (non ta-
men ob seruitium Sedis Apostoli-
cæ cum licentia Sanctitatis suæ,
vel apud eorum ecclesias residen-
tium) ratione suorum Episcopatuū,
Cardinalatus, ac ipsorum Cardi-
nalium titulorū, & Diaconiarum
spectantia quamdiu absentia hu-
iusmodi durauerit, Canoniciatus,
& Præbendas; Dignitates, Perso-
natus, Administrationes, & Offi-
cia, ceteraque Beneficia Ecclesia-
stica cum cura, & sine cura vacā-
tia, ac inantea vacatura, tam in
eadem Vrbe, quam in ecclesijs, ci-
uitatibus, ac diocesibus dictorum
Episcopatuū consentiā, ac de-
creuit irritum, &c. q. monentibus
noq. lib. in illis diuina p. uel, & no. et

monent

H

Re-

Reservatio mensium Apostolicorum,
& Alternativa pro Episcopis
non del. residentibus.
 9. Item, cupiēs S.D.N. PP. pauperibus clericis, & alijs bene meritis personis providere omnia beneficia ecclesiastica, cū cura, & sine cura, sæcularia, & quorūvis ordinū regularia qualitercūq; qualificata, & ubicūq; existentia in singulis Ianuarij, Februarij, Aprilis, Maij, Iulij, Augusti, Octobris, & Nouembris mē-sibus, vsq; ad suā voluntatis beneplacitū extra Romanam Curiam alias quā per resignationem quocumque modo vacatura, ad collationem, prouisionem, præsentationem, electionem, & quamuis aliā dispositionem quorumcumq; Collatorum, & Collatricum sæcula-

riam, & quorumvis Ordinum regularium (non tamen S.R.E. Cardinalium, aut aliorum sub Concordatis inter Sedem Apostolicā, & quoscumque alios initis, & per eos, qui illa acceptare, & obseruare debuerant acceptatis, & obseruatis, quæ lædere non intendit cōprehenforum) quomodolibet pertinentia dispositioni suæ generaliter reseruauit. Volens in supplicationibus, seu concessionibus gratiarum, quæ de dictis beneficijs tūc vacantibus, etiam Motu proprio fient, de mense, in quo vacauerint dispositiuè mentionem fieri alioquin gratias nullas esse; Ac consuetudines, etiam immemorabiles optandi maiores, & pinguiorēs Præbendas, necnon priuilegia, etiam

in

in limine erectionis concessa, & indulta Apostolica circa ea, ac etiā disponendi de huiusmodi Beneficijs, aut quod illa sub huiusmodi reservationibus nunquam comprehendantur, etiam cum quibusvis derogatoriis derogatorijs, & fortioribus, efficacioribus, & insolitis clausulis, nec non irritantibus, & alijs Decretis, quorum tenores pro expressis haberi, & latissime extendi voluit quibuscumque personis, & Collegijs, cuiuscumque dignitatis, status, gradus, ordinis, & cōditionis existētibus quomodolibet concessa aduersus Reservationē huiusmodi minimē suffragari. Insuper Sanctitas sua ad gratificandum Patriarchis, Archiepiscopis, & Episcopis intenta ipsis quam-

B 3 diu



diu apud Ecclesias, aut Dioceses
 suas vere, & personaliter reside-
 rint dumtaxat de omnibus, & qui-
 buscumque Beneficijs Ecclesiasti-
 cis cum cura, & sine cura sæcula-
 ribus, & regularibus (ad liberam
 ipsorum dumtaxat, nō autem alio-
 rum cum eis dispositionem, seu
 præsentationem, vel electionem,
 nec etiam cum consilio, vel con-
 sensu, seu interuentu Capitulorū,
 vel aliorum, aut alias pertinenti-
 bus) quæ in antea in mensibus Fe-
 bruarij Aprilis, Iunij, Augusti,
 Octobris, & Decembris extra Cu-
 riam ipsam vacare contigerit (dū-
 modo alias dispositioni apostolicæ
 reservata, vel affecta non fuerint)
 liberè disponendi facultatem pro
 tempore sui Pontificatus concess-
 fit.

fit. Ac etiam voluit, vt si ipsi in collatione, aut alia dispositione beneficiorum in alijs sex mensibus, videlicet Ianuarij, Martij, Maij Iulij, Septēbris, & Nouembris vacaturorum (quæ etiā dispositioni suæ, vt præfertur, reseruauit,) seu etiam aliorum, dispositioni suæ, & dictæ sedis alias quomodolibet reseruatorum, vel affectorum se se intromiserint, aut quominus prouisiones, & gratiæ Sanctitatis Suæ de illis debitum effectum consequantur impedimentum quoquomodo præstiterint, vsu, & beneficio prædictæ facultatis, eo ipso priuati existant, ac collationes, & alię dispositiones de Beneficijs illius prætextu deinceps faciendæ nullius sint roboris, vel momenti. Illi

vero qui gratiam alternatiuæ prædictæ acceptare voluerint, acceptationem huiusmodi per patētes litteras manu propria subscriptas suoque sigillo munitas, & in sua quisque Ciuitate, vel Diocesi datas declarare, & litteras ipsas huc ad Datarium Sanctitatis Suæ transmittere teneantur, quibus ab eo receptis, & recognitis, ac in libro ad id deputato registratis, tunc demum, & non antea vti incipiant gratia supradicta. Insuper declarauit, quod si idem Episcopus pluribus ecclesijs quomodocumque vnitis ex Apostolica concessione, & dispensatione; quomodocumq; præsit, teneatur huiusmodi Alternatiuæ gratiam quatenus ea potiri velit vtriusque ecclesiæ nomine

explicitè acceptare alias illi non suffragetur. Et post factam acceptationem, & admissionem in Dataria neutri parti liceat nisi concordii consensu ab ea recedere, declarans præterea exceptionem positā in Regula favore S. R. E. Cardinalium, & indultum conferendi beneficia reservata concessum Cardinali Episcopo, non suffragari Capitulo ratione communionis, & consortij iuxta declarationem, fel. record: Urbani PP. VIII. Prædecessoris sui editam die decima Septembris Anno millesimo sexcentesimo vigesimo sexto quam Sanctitas Sua in omnibus, & per omnia approbat. Decernens sic in præmissis omnibus per quoscūq; & iudicari debere, ac irritum &c.

*De litteris in forma Rationi congrui-
t expedendis.*

10. Item, voluit idem D. N. PP.,
quod concessa per fel. record. In-
nocentium X. prædecessorem suū,
& de eius mandato expediantur in
forma *Rationi congruit*, &c. sub die
Coronationis suæ. vt moris est, &
idem quoad concessa per pię mem-
Urbanum Octauum etiam præde-
cessorem suū ad sex menses dum-
taxat ab ipso die Coronationis in-
cipiendos obseruari voluit.

*Declaratio reservationis Ecclesia-
rum, & Beneficiorum per
Prædecessores reserva-
torum.*

11. Item, declarauit omnium,
& fin.

& singularum Ecclesiarum Cathedralium, & Monasteriorum provisiones, quas prædicti Prædecessores sui, ordinationi, & dispositioni eorum, nec non omnia, & singula beneficia Ecclesiastica, quæ dicti Prædecessores etiam prædictæ dispositioni cum interpositione decreti reseruaerant (quæ quidē Ecclesiæ, Monasteria, nec non sic reseruata beneficia tempore obitus eorumdem Prædecessorum vacabant, aut Ecclesiæ ipsæ, vel Monasteria huiusmodi si commendata, vel eis Administratores deputati non fuissent, etiam tunc vacassent) remansisse, & remanere per huiusmodi reservationem, & Decretum affecta, nullumque de illis præter Romanum Pontificem ea vice

vice se intromittere, vel disponere
potuisse siue posse quocumque modo.
Decernens irritum, & inane si se-
cus super illis attentatum forsitan
erat tunc, vel impofterum contin-
geret attentari.

*Reualiditatio Litterarum Præde-
cessoris Gratiae, & Iustitiæ
infra annum concessa-
rum.*

12. Item, prædictus D.N. omnes,
& singulas ab Innocentio X. Ro-
mano Pontifice prædecessore suo
infra annum ante diem eius obi-
tus concessas Gratiae, vel Iustitiæ
litteras temporibus debitis earum
executoribus, seu Iudicibus non
præsentatas omnino reualidauit,
& in

& in statum pristinum, in quo videlicet antea fuerant, vel pro quibus erant obtentę, quoad hoc plenarię restituit, ac decrevit per executores, seu Iudices predictos, vel ab eis Subdelegandos ad expeditionem negotiorum in eis contentorum procedi posse, & debere iuxta illarum formam.

Renovatio Unionum.

13. Item, rationabilibus suadentibus causis ipse D.N. omnes uniones, annexiones, incorporaciones, suppressiones, extinctiones, applicationes, & dismembraciones, etiā perpetuas, de quibusvis Cathedralibus, necnon alijs Ecclesijs, Monasterijs, Dignitatibus, Personatibus,

bus, Officijs, & Beneficijs Eccle-
 siasticis, eorumuè domibus prædijs,
 & locis per cessum, vel decessum,
 aut aliam quamuis dimissionem,
 vel amissionem qualiacumque
 fuerint inuicem, vel alijs Ecclesijs,
 Monasterijs, & Mensis etiam Ca-
 pitularibus, Dignitatibus, Perso-
 natibus, Officijs, Beneficijs, ac
 Pijis, & alijs locis, Vniuersitatibus
 etiam studiorum generalium, &
 Collegijs, etiam in fauorem S.R.E.
 Cardinalium, seu Ecclesijs, Mona-
 sterijs, & Beneficijs per eos obten-
 tis quomodolibet Apostolica, vel
 alia quauis (non tamen Concilij
 Tridentini auctoritate, nequò pro
 fundatione, seu dotatione, aug-
 mento, vel conseruatione Colle-
 giorum, & aliorum Piorum, &
 Reli-

Religiosorum locorum ad fidei
 Catholicæ defensionem, & propa-
 gationem, bonarumque artiũ cul-
 tum institutorum) factas, quæ fuũ
 non sunt sortitæ effectum: Ac quę-
 cumque concessiones, & mandata
 super vnionibus, annexionibus, in-
 corporationibus, & alijs præmissis
 taliter faciendis, reuocauit, cassa-
 uit, & irritauit, nulliusque decreuit
 existere firmitatis. Nec alicui quas-
 cumque clausulas, vel adiectiones,
 aut decreta, quæ Sanctitas Sua pro
 expressis haberi voluit in quibusuis
 Apostolicis etiam quæ Motu pro-
 prio, aut ex certa scientia, & con-
 fistorialiter processerunt, & ema-
 narum litteris, etiam si in eis decre-
 tum esset illas ex tunc effectum
 sortitas esse, aut ius quæsitum fore
 quo-

quomodolibet contentæ aduersus
reuocationem, & irritationem hu-
iusmodi voluit aliquatenus suffra-
gari. Decernens irritum, &c.

*Reuocatio facultatum quibusvis
concessarum.*

14. Item, reuocauit quascumque
facultates concessas quibusvis Pa-
triarchis, Archiepiscopis, Episco-
pis, & alijs Prælatiis, & Personis,
necnon Apostolicę Sedis Nuncijs,
ac fructuum, & prouentuum Ca-
meræ Apostolicę debitorum Col-
lectoribus, de dispensando cū qui-
busvis personis super Matrimonio
contracto, vel contrahendo in gra-
du prohibito, ac natalium, & æta-
tis defectibus, & de incompatibi-
libus

etiam derogatorium derogato-
tudine cum duplici clausula
ac de Apollonio portante pluri-

Re-

Renovatio facultatum conferendi be-
neficia reservata.

Item, reuocauit quascumque facultates, & litteras desuper confectas, per quas quicumque sui Prædecessores Romani Pontifices quibusuis personis ordinariã collationem, seu aliam dispositionem beneficiorum Ecclesiasticorum de iure, vel consuetudine habentibus, & quauis etiam Patriarchali, Archiepiscopali, Episcopali, vel alia dignitate, vel alio non tamen Cardinalatus honore fulgentibus quauis consideratione, vel intuitu etiam Motu proprio, & ex certa scientia, ac de Apostolicæ potestatis plenitudine cum quibusuis clausulis etiam derogatoriis derogato-

rijs,

rijs, ac irritantibus, & alijs decre-
tis, quorum tenores haberi voluit
pro expressis, concesserant, aut
quamdiu viuerent, vel suis Eccle-
sijs, seu Monasterijs præessent, aut
ad aliud tempus de Beneficijs Ec-
clesiasticis generaliter reservatis,
seu affectis ad eorum collationem,
provisionem, presentationem, ele-
ctionem, & quamvis aliam disposi-
tionem communiter, vel diuisim
spectantibus disponere liberè, &
licite valerent, aut etiam ad id per
eosdem prædecessores Vicarij pæn-
petui, vel ad tempus constituti fo-
rent, **Decernens irritum, & ma-
ne &c.**

nos ab hoc pædicto, & alijs
rebus, & alijs, & alijs, & alijs,
ob omnes causas, & alijs, & alijs,
& alijs, & alijs, & alijs, & alijs,

De dictionibus numeralibus.

16. Item, ut in Apostolicis litteris committendi crimen falsi per amplius tollatur occasio voluit, & ordinavit, quod dictiones numerales, quæ in dictis litteris ante Nonas, Idus, & Kalendas, immediate poni consueverunt, per litteras, & syllabas extensæ describantur, & illæ ex prædictis litteris in quibus huiusmodi dictiones aliter scriptæ fuerint, ad Bullariam nullatenus mittantur.

De concurrantibus in Data

17. Item, voluit quod de concurrentibus in data eiusdem diei super vacantibus, seu certo modo

va-

va-

va-

vacaturis beneficijs, illi, quibus gratiæ, Motu proprio conceduntur, ceteris similimodo gratias non habentibus, aliàs graduati non graduatis, aut inter graduatos magis graduati, ac inter æqualiter graduatos, prius graduati nec non colorato titulo possessores, non possessoribus, ac inter personas, aliàs in Curia præsentibus, absentibus ab ea, ac inter præsentibus non beneficiatis beneficiatis, & similiter inter absentes, ceteris paribus oriundus non oriundo, & Diocesanus non Diocesano. In reliquis verò singuli, qui prius Apostolicas de super litteras eorum executoribus præsentauerint, alijs in ipsorum de quibus agi contigerit, Beneficiorum affecutione præferantur.

De non tollendo Lus quæsitam.
 Item, nè per varias, quæ pro
 commissionibus, seu mandatis, &
 declarationibus habendis in causis
 plerumque fiunt suggestiones, lu-
 sitia postponatur. Idem D.N. de-
 crevit, & declaravit fuisse intentio-
 nis fore, quod deinceps per quam-
 cumque Signaturam, seu conces-
 sionem, aut gratiam, vel litteras
 Apostolicas pro commissionibus,
 seu mandatis, aut declarationibus
 huiusmodi, etiam si Motu proprio,
 & ex certa scientia, ac etiam ante
 motam litē à Sanctitate Sua ema-
 nauerint, vel de eius mandato fa-
 ciendas nulli ius sibi quæsitum
 cuiusmodi libet tollatur. *ig. l. d. n.*

Re-

Regula de Viginti.

19. Item voluit, quod si quis in infirmitate constitutus resignauerit, siue in Romana Curia, siue extra illam, aliquod beneficium, siue simpliciter, siue ex causa permutationis, vel aliàs dimiserit, aut illius commendæ cesserit, seu ipsius beneficii vnionis dissolutioni consenserit etiam vigore supplicationis, dum esset sanus signatæ, & postea infra viginti dies à die per ipsum resignantem præstandi consensus computandos, de ipsa infirmitate decesserit, & ipsum beneficium, quauis auctoritate conferatur per resignationem sic factam, collatio huiusmodi sit nulla, ipsumque beneficium nihilominus per obitum censeatur vacare.

De Idioma.

20. Item, voluit, quod si contingat, tam in Curia, quam extra, alicui personæ de Parochiali Ecclesia, vel quouis alio beneficio exercitium Curiæ animarum Parochianorum quomodolibet habente, prouideri, nisi ipsa persona intelligat, & intelligibiliter loqui sciat idioma loci, vbi Ecclesia, vel Beneficium huiusmodi consistit, prouisio, seu mandatum, & gratia de super quoad Parochialem Ecclesiam, vel Beneficium huiusmodi nullius sint roboris, vel momenti: **Decernens irritum &c.**

De

*De non impetrando Beneficium per
obitum viuentis.*

121. Item, si quis supplicauerit si-
bi de beneficio quocumque tam-
quam per obitum alicuius, licet
tunc viuentis, vacante prouideri,
& postea per obitum eius vacet,
prouisio, & quæuis dispositio etiam
vigore alterius nouæ supplicatio-
nis, vel gratiæ dicto supplicanti
per obitum huiusmodi denuo fa-
ciendæ nullius sint roboris, vel
momenti.

*De unionibus, & unionum confir-
matione.*

122. Itē, voluit quod petentes be-
neficia Ecclesiastica alijs vniri te-
nean-

neantur exprimere verū annuū
valorem secundum communem
extimationem, tam beneficij vnien-
di, quā illius, cui vniri petitur
alioquin vnio non valet, & sem-
per in vnionibus commissio fiat ad
partes, vocatis quorum interest, Et
idem voluit obseruari in quibusuis
suppressionibus perpetuis, conces-
sionibus, dismembrationibus, &
applicationibus, etiam de quibus-
cumque fructibus, & bonis Eccle-
siasticis, ac etiam in confirmatio-
nibus vnionum, singularumque
dispositionum huiusmodi.

De Mendicantibus transferendis.

23. Item, de Mendicantibus trās-
ferendis, qui ad alios Ordines tran-

sie-

*ex Sacrorum Ordinum, & cu pari
modo obseruari.*

De munda. 25. Item, declarauit idem Domi-
nus Noster, quòd libra Tironem-
sium paruorum, & florenus auri
de Camera pro æquali valore in-
concernentibus litteras, & Came-
ram Apostolicam computari, &
extimari debeant.

*De Beneficijs vacaturis per promo-
tionem ad Ecclesias, & Mo-
nasteria.*

26. Item, prædictus D. N. Papa
vult, decreuit, & ordinauit, quòd
quæcumque concessiones, gratiæ,
&

& mandata etiam Motu proprio,
 & cum derogatione huius Consti-
 tutionis quæ ab eo pro quibuscumque
 personis emanauerint, de prou-
 dendo eis de quibuscumque beneficijs
 vacaturis per promotionem quo-
 rumcumque, ad Ecclesiarum, &
 Monasteriorum regimina si hu-
 iusmodi concessiones, & mandata
 diem promotionis promouendo-
 rum ipsorum præcesserint, necnon
 quæcumque collationes, prouisio-
 nes, & dispositiones pro tempore
 faciendæ de præmissis, & quibus-
 uis alijs beneficijs Ecclesiasticis,
 sæcularibus, & regularibus quæ
 per promouendos, vel assumendos
 ad quascumque Prælaturas, inter
 illarum vacationis, & huiusmodi
 promotionis, vel assumptionis te-
 pora

pora simpliciter, vel ex causa permutationis, ubicumque resignari, vel alias dimitti contigerit, cum inde sequutis pro tempore sint cassæ, & irritæ nulliusque roboris, vel momenti.

De non iudicando iuxta formam
supplicationum, sed litterarum
obsequii, & expeditarum
 -27- Item, cum ante cōfectionem litterarum gratia Apostolica sit informis, voluit, statuit, & ordinavit idem Dominus Noster, quod Iudices in Romana Curia, & extra eam pro tempore existentes, etiam si sint S.R.E. Cardinales, causarum Palatii Apostolici Auditores, vel quicumque alij non iuxta supplicatio-
 num

num signatarum super quibusvis
 impetrationibus (nisi in dicta Cu-
 ria dumtaxat sint cōmissiones iu-
 stitiā concernentes per Placet, vel
 per S. R. E. Vicecancellariū iuxta
 facultatē super hoc sibi concessam
 signatæ) sed iuxta litterarum super
 eisdem impetrationibus, & conces-
 sionibus confectarum tenores, &
 formas iudicare debeant. Decer-
 nens irritum &c. Et si litteræ ipsæ
 per præoccupationem, vel aliàs mi-
 nus benè expeditæ reperiantur ad
 illorum quorū interest instantiam,
 ad Apostolicam Cancellariam re-
 mitti poterunt, per eius Officiales
 quibus huiusmodi tenores, & for-
 mas restringere conuenit, ad for-
 mas debitas reducendæ.

apponit bonis iudiciis

claus

De

De Regulis Cancellariæ produ-
cendis.

128. Item, attendens D. N. PP.
 quod super habendis de Cancellaria Apostolica Regulis, & Constitutionibus inibi descriptis faciliter per eos qui in Romanâ Curia indiguerint, ad ipsam Cancellariam recursus dirigi potest, nec consultum foret quòd super earundem Regularum, & Constitutionum (quæ iuxta varietatem concurrentium causarum, & negotiorum aliquoties immutari convenit) probando tenore, vel effectu testium plerumque tenacem de super memoriam non habentium depositionibus stari deberet, voluit, statuit, & ordinavit quòd deinceps quili-

quilibet ex Auditoribus causarum
 Palatij Apostolici, & alijs (etiam-
 si S.R.E. sint Cardinales) in ipsa
 Curia pro tempore deputatis au-
 thoritate Apostolica Iudicibus, etiā
 in causis actu pendentibus super
 huiusmodi tenore, vel effectu pro-
 bando dumtaxat stet, fidemque
 adhibeat cedulae, seu scripturae de-
 super à duobus Maioris Præsiden-
 tiae, quod danda sit à tergo signa-
 tae, & etiam à duobus alijs littera-
 rum Apostolicarum Abbreviato-
 ribus in ipsa Cancellaria auscul-
 tatae, & Vicecancellarij, seu di-
 ctam Cancellariam Regentis ma-
 nu subscriptae, vt moris est, quid-
 quid autem fecus fieri contigerit
 nullius sit roboris, vel momenti.

De Subrogandis Collitigantibus.

29. Item, D. N. cupiens litium succidere anfractus, & nè noui collitigantibus aduersarij dentur, providere, voluit, statuit, & ordinavit, quòd quoties deinceps aliquem super quouis beneficio ecclesiastico collitigantem in lre, vel ad ius si quòd forsan eius aduersario in dicto beneficio competierit subrogari contigerit (dummodo prædictus collitigans in dicto beneficio intrusus non fuerit, nec super eo contra dictum aduersarium postquam illud per triennium pacificè possederit lis tunc mota fuerit) aliorum quorumlibet de præmissis lre, siue tunc vacet, vel cùm va-

caue

cauerit impetrationes, vel concessiones etiam Motu proprio infra mensem ante concessionem huiusmodi factę nullius sint roboris, vel momenti. Et nihilominus cupiens eorū fraudibus obuiare, qui viuentiū beneficia illorū præsertim, quibus, aut propter senium, aut propter infirmitatē immineret, vitæ periculū impetrant, vt illis decedentibus tamquam Collitigantes in eorum Iuribus facilius subrogentur. Voluit, vt deinceps nullus in Iure, vel ad Ius in beneficio defuncti, quod illo viuente in casibus præmissis, vel similibus impetrauerit aliquo modo subrogetur, ac subrogatio, vel gratia, Si neutri, Si nulli, seu Nouæ prouisionis, aut Perinde ualere taliter; impetranti nullatenus

suffragetur, quod etiam strictissi-
 me obseruari mandauit in impe-
 trationibus beneficiorum per pri-
 uationem, & amotionem ex qui-
 busuis criminibus, & excessibus
 forsan perpetratis etiam si, usque
 ad diffinitiuam sententiam, quæ
 tamen in rem non transierit iu-
 dicatam, processum foret.

audirentur illi quod dixerat

multos *De verisimili notitia* p. 111.

-oV : ruyruyot' d' s' illoñt and... t

lego. Itē, voluit, & ordinauit, quod
omnes gratiæ, quas de quibusuis
beneficijs ecclesiasticis cū cura vel
sine cura sæcularibus, vel regulari-
bus per obitū quarumcūq. per-
sonarum vacantibus, in antea fece-
rit nullius roboris, vel momenti
sint, nisi post obitum, & ante Da-

-101-



tam

tam gratiarum huiusmodi tantum
tempus effluxerit, quod interim va-
cationes ipsæ de locis in quibus
personæ prædictæ decesserint, ad
notitiam eiusdem D.N. verifimili-
ter potuerint peruenisse.

*Non valeant Commissiones Causarum,
nisi Litteris expeditis.*

31. Item, quod omnes, & sin-
gulæ Cōmissions causarum quas
in antea fieri contigerit obtentæ,
vel occasione concessionum dum-
taxat Apostolicarum, de beneficijs
ecclesiasticis gratiarum super qui-
bus litteræ Apostolicæ confectæ
non fuerint, ac processus desuper
habendi nullius sint roboris, vel
momenti.

De impetrantibus beneficia per obitum familiarium Cardinalium.

32. Item, voluit, quod impetrans beneficium vacans per obitum familiaris alicuius Cardinalis, teneatur exprimere nomen, & titulum ipsius Cardinalis, & si ille in Curia, vel ob seruitium Apostolicæ Sedis cum licentia Sanctitatis Suæ absens fuerit, vel apud eius ecclesiam resideat, ipsius ad id accedat assensus aliàs de super gratia sit nulla, & idem seruari voluit, si Cardinales quomodolibet ab ipsa Curia absentes, & vbilibet, etiam in locis infra duas Dietas vicinis degentes, familiamquè, & lares in eadem Curia retinentes ab ipsa

Cu-

Curia recesserint ad eandem illi-
 cō reuersuri, & infra decem, vel ad
 summum quindecim dies verè, &
 personaliter reuersi fuerint. Ita
 quod Cardinalibus aliàs quàm, vt
 præfertur ex quacunque causa
 quantumlibet necessaria, & hic
 necessario exprimenda absentibus
 facultas præstandi consensum hu-
 iusmodi, non competat, sed bene-
 ficia huiusmodi ad liberam Sancti-
 tatis Suæ, & Sedis Apostolicæ pro-
 uisionē, & dispositionē pertineāt.
 Declarās Regulas, & Cōstitutiones
 suorum Prædecessorum, etiam à
 die earū editionis, & publicationis
 super assensu huiusmodi præstādo
 sic intellectas, & intelligēdas fuisse.
 Irritumq. &c. attentari Decernens.
 Quodque si prædicti familiares eo-

eundem Cardinalium familiares
 esse defierint, seu ad aliorū Cardi-
 naliū familiaritatē similē transie-
 rint quoad beneficia, quæ familia-
 ritate priori durante obtinuerint,
 & in quibus, vel ad quæ priori ip-
 sa familiaritate durante Ius eis cō-
 petierit, Cardinales quorū prius fa-
 miliares fuerint suū habeant adhi-
 bere cōsensū. Declarans præsentē
 Constitutionem locum non habe-
 re in illis beneficijs quæ familiares
 ipsi, tempore obitus eorum in di-
 cta Curia, vel extra eam obtinerēt
 aut antea obtinuissent, & ratione
 Officiorum per eos obtentorum,
 dictæ dispositioni generaliter re-
 seruata, vel affecta fuisse appare-
 rent. Necnon illos quoad effectum
 dictæ Cōstitutionis familiares eo-
 rum-

rumdem Cardinalium censeretur, qui
 ipsorum Cardinalium familiares
 continui commensales ad minus
 per quatuor menses, computato
 etiam tempore ante promotionem
 ad Cardinalatum, fuisse probaren-
 tur. Decernens irritum &c.

Super eadem familiaritate.

33. Item D. N. ad euitandas lites
 & contentiones, quæ ex præce-
 denti sua Constitutione exoriri
 possent vestigijs Prædecessorum
 suorum inhærendo. Voluit, sta-
 tuit, & ordinavit, quod si benefi-
 cia, quæ per obitum familiarium
 continuorum Commensalium eo-
 rumdem Cardinalium, infuturum
 vacabunt, cessantibus apostolicis
 refer-

reservationibus ad alterius Cardinalis collationem, vel aliam dispositionem pertinere deberent, in dicta præcedenti Constitutione non comprehendantur; quoad hoc, ut in prouisionibus talium beneficiorum super expeditione litterarum illius Cardinalis, Cuius familiaris defunctus ille extitit consensus requiri debeat. Sed beneficia huiusmodi ad collationem, seu quamuis dispositionem Cardinalis Ordinarij Collatoris, ut præfertur liberè spectare censeantur. Et si apud sedem apostolicam beneficia huiusmodi per obitum dictorum familiarium vacauerint; tunc in prouisione talium beneficiorum, super expeditione litterarum, illius Cardinalis exigatur consensus si in

R. o-

Romana Curia præsens fuerit, ad quem eorundem Collatio, & dispositio, ut præfertur pertinere deberet. Itaut Cardinalis Ordinarius Collator, in concursu cum Cardinali Patrono semper præferri debeat, salvis tamen semper Indultis concessis, & concedendis eisdem S. R. E. Cardinalibus. Decernens irritum. &c.

Signatura per Fiat, præferatur alteri per concessum.

34. Item, voluit idem D. N. quod concurrentibus eadem die super quocumque beneficio per Fiat, & Concessum, signaturis, ex eis per Fiat etiam, ut petitur habens, alteri per Cōcessum, etiam Motu proprio

priori habenti præferatur, etiam si in illa per Concessum prægnantiores, & quantumlibet privilegiatiuæ essent clausulæ.

De Annali Possessore.

35. Item, S. D. N. ut improbi lites exquirentium motus reprimatur voluit, statuit, & ordinauit, quod quicumque beneficium ecclesiasticum; tunc per annum immediate præcedentem pacificè possessum, & quod certo modo vacare prætenditur, deinceps impetrauerit nomen, gradum, & nobilitatem possessoris eiusdem, & quotannis ipse illud possederit, ac specificam, & determinatam ex qua clarè poterit constare, quod nul-

nullum ipsi possessori in dicto be-
 neficio lus competat causam, in hu-
 iusmodi impetratione exprimere,
 & infra sex menses ipsum posses-
 sorem ad iudicium euocari facere,
 causamque ex tunc desuper infra
 annum; usque ad sententiam dif-
 finitivam inclusivè prosequi de-
 beat, & teneatur. Alioquin im-
 petratio prædicta, & quæcumque
 inde sequuta nullius existant fir-
 mitatis. Et idem impetrans de-
 damnis, & interesse possessorem
 prædictum propterea contingen-
 tibus ei satisfacere, & si posses-
 sorem ipsum iniuste friuolè, & in-
 debite molestare repertus extiterit,
 quinquaginta florenos auri per-
 soluere Cameræ Apostolicæ sit ad-
 strictus, nec alius quam præmissæ

va-

vacationis modus etiam per litteras Si neutri, aut subrogationis, aut alias sibi quoad hoc, ut beneficium huiusmodi ea vice consequi, aut obtinere valeat, quomodolibet suffragetur, illudque nullatenus inantea litigiosum propterea censeatur. Quod etiam extendi voluit ad impetrantes beneficia ecclesiastica cuiuscunque qualitatis per priuationem, & amotionem, vel alias propter commissum excessum, & crimina vacantia, vel vacatura, & similiter ad impetrantes beneficia tanquam vacantia per deuolutionem.

De Triennali.

36. Item, statuit, & ordinauit idem D.N. quod si quis, quaecumque be-

ne-

neficia ecclesiastica qualiacumque
 sint absque simoniaco ingressu, ex
 quouis titulo Apostolica, vel Or-
 naria collatione, aut electione, &
 electionis huiusmodi confirmatio-
 ne, seu præsentatione, & institu-
 tione illorum, ad quos beneficiorū
 huiusmodi collatio, prouisio, ele-
 ctio, & præsentatio, seu quæuis alia
 dispositio pertinet, per triennium
 pacificè possederit, (Dummodo in
 Beneficijs huiusmodi, si dispositio-
 ni Apostolicæ ex reservatione ge-
 nerali in corpore Iuris clausa re-
 seruata fuerint, se non intruserit)
 super eisdem beneficijs taliter pos-
 sessis molestari nequeat, nec non
 impetrationes quaslibet de benefi-
 cijs ipsis sic possessis factas, irritas,
 & inanes censeri debere decreuit,
 antiquas

antiquas lites super illis motas penitus extinguendo.

De non appellando ante Sententiam diffinitivam.

37. Item, idem D.N. ut finis litibus celerius imponatur, & litigantium parcatur sumptibus, & expensis, suorum Prædecessorum Constitutionibus, & statutis inhærendo statuit, & ordinavit, quod in causis pendentibus, & quas imposterum contigerit agitari, nulli ante diffinitivam sententiam liceat appellare, nec appellatio si fuerit emissa debeat admitti, nisi ab interlocutoria, quæ vim habeat diffinitivæ, vel à grauamine minimè concernente negotium principale

cipale, quòd non possit per appella-
 tionem à diffinitiva sententia,
 reparari. Nullæque causæ appella-
 tionum cōmittantur, nisi in com-
 missione exprimatur, quod inter-
 locutoria vim diffinitivæ habeat,
 vel grauamen sit tale, quod in ap-
 pellatione à diffinitiva non valeat
 reparari. Alioquin appellationes,
 & commissiones impofterum, &
 quicquid inde sequutū fuerit nul-
 lius sint roboris, vel momenti, cō-
 missionibus appellationum iam Iu-
 dicibus præsentatis, & exhibitis in
 suo robore permanfuris, in quibus
 latis super eisdem sententijs, secun-
 dò, vel alterius ab eis non liceat
 appellare. Appellantes verò & ap-
 pellationes etiam ab interlocuto-
 rijs, & grauaminibus huiusmodi,

E

suo

fuo, vel alterius nomine prosequentes, si succubuerint, ultra expensas, & damna, ad quæ reficienda de iure condemnatus compellitur, viginti florenorum auri poena mulctetur.

Non stetur Commissioni post conclusionem.

§ 8. Item, statuit, & ordinavit, quod in Commissionibus de iustitia, seu mandatis etiam Confistorialibus per eum, seu de eius mandato, vel auctoritate in causis in quibus conclusum existat, impofterum concedendis, etiam si in eis de conclusione huiusmodi implicite, vel explicitè mentio facta fuerit, nihil censeatur esse concessum, nisi

nisi per concessionem huiusmodi Commissionis, eidem conclusioni, ac præsentì regulæ, derogetur expressè.

De litteris Religiosorū expediendis.

39. Item, voluit, & ordinavit, quod si aliqui Religiosi petunt aliquod Beneficium ad nutum amovibile, cum clausula, quod exinde pro solo nutu Abbatis, vel Superioris amoveri non possint, litteræ quo ad ipsam clausulam nullatenus expediantur, nisi idem D. N. ponat in Signatura, quod non possit amoveri, vel ad partem clausulam ipsam concedat.

*De clausula ponenda in litteris per-
mutationum Beneficiorum.*

40. Item, si committatur alicui
beneficij resignationis receptio
ponatur clausula, *Attentè quoque
provideas &c.* Et si ex causa per-
mutationis resignationes fiant, po-
natur clausula, *Quod neuter per-
mutantium ius acquirat*, nisi quili-
bet ipsorum ius habuerit in bene-
ficio per ipsum resignato.

De supplendis defectibus.

41. Voluit, quod si petatur sup-
pleri defectus in genere, nullate-
nus litteræ desuper concedantur,
nisi in petitione desuper huiusmo-
di defectus exprimantur, vel per,
Fiat,

Fiat, ut petitur, supplicatio signata fuerit.

De derogatione Iurispatronatus.

42. Item, voluit, quod super quouis Beneficio Ecclesiastico de Iurepatronatus laicorum non expediantur litteræ, nisi ponatur expresse, quod tale beneficium tanto tempore vacavit, quod eius collatio ad Sedem Apostolicam legitime est deuoluta, vel quia tempus Patronis laicis ad præsentandum, à iure præfixum lapsum existat, aut ad id Patronorum ipsorum, accedat assensus. Et si per ipsum Iurispatronatus huiusmodi derogari contigerit, Iurispatronatus huiusmodi mentio, dispositiue, ac

specificè, & determinatè, non autem conditionaliter fiat, si illud ad aliquem Regem, Ducem, Marchionem, vel alium Principem pertineat. Et si de hoc in litteris prouisionis, vel mandato de prouidendo de dicto beneficio, similis mentio facta non fuerit, non censeatur quomodolibet derogatum.

De Commendis.

43. Item, voluit, quod nulli sæculari de regulari, nec religioso de sæculari beneficijs Commendetur, nisi in Signatura per clausulam ad partem super petitione Commendæ huiusmodi, de Commenda ipsa mentio fiat.

De

De Reformationibus.

44. Item, voluit, statuit, & ordinavit, quod super quibuscumque Reformationibus signatis super impetrationibus quorumcumque beneficiorum vacantium, vel certo modo vacaturorum, in quibus petitur, quod litteræ super prima Data expediri possint, si ex huiusmodi expeditione sub tali Data, cuiquam videatur posse fieri præiudicium, litteræ huiusmodi sub ipsa prima Data nullatenus expediantur, nisi Reformationes huiusmodi per Fiat, sub prima Data signatæ fuerint.

*De consensu in Resignationibus, &
Pensionibus.*

45. Item, voluit, & ordinauit, quod super resignatione cuiuscūq. Beneficij Ecclesiastici, seu cessione Iuris in eo, quam in manibus suis, vel in Cancellaria Apostolica fieri contigerit, Apostolicæ litteræ nullatenus expediantur, nisi Resignans, vel cedens, si præsens in Romana Curia fuerit personaliter, alioquin per procuratorem suum ad hoc ab eo specialiter constitutum, expeditioni huiusmodi in eadem Cancellaria expressè consenserit, & iurauerit, vt moris est. Et si ipsum Resignantem, seu Cedentem pluries super vno, & eodem beneficio in fauorem diuersarum per-

personarum successiue consentire contigerit. Voluit Sanctitas Sua, quod primus consensus tenere debeat, & alij posteriores consensus, ac litteræ eorū prætextu etiam sub priori Data expeditæ pro tempore nullius sint roboris, vel momenti, nec litteræ reservationis, vel assignationis etiam Motu proprio cuiusvis pensionis annuæ, super alicuius beneficij fructibus expediri possint, nisi de consensu illius, qui pensionem persolvere, tunc debeat.

De ingressu Religionis.

46. Item, non dentur litteræ super beneficijs vacaturis per ingressum Religionis, nisi professio præcesserit Datâ de super petitionis.

- quib

Non

Non valeat impetratio facta per modum in Cancellaria exprimendum.

47. Item, voluit, quod si petatur aliquod beneficium vacans per modum in Cancellaria Apostolica exprimendum, talis impetratio non valeat, nec litterae desuper expediantur.

De executione facienda.

48. Item, voluit, statuit, & ordinavit, quod quotiescumque per Signaturam suam, vel de eius mandato factam, super exequendis aliquibus, cum adiectione proprii nominis, vel Dignitatis cuiusvis, iudex datur, litterae desuper expediantur.

diantur cum expressione, quod
idem Iudex executionem faciat per
seipsum.

*De dispensationibus in gradibus
Consanguinitatis.*

49. Voluit, quod in litteris di-
spensationum super aliquo gradu
Consanguinitatis, vel Affinitatis,
aut aliàs prohibito, ponatur clau-
sula, *Si mulier rapta non fuerit*. Et
si scienter, ponatur clausula addita
in quaterno.

Super defectu Natalium.

50. Voluit, quod in Dispen-
sationibus super defectu Natalium,
quod possint succedere in bonis
tem-

temporalibus ponatur clausula,
Quod non præiudicetur illis, ad
 quos successio bonorum ab inte-
 stato pertinere debeat.

Super Dispensationibus.

51. Item, quod per quamcum-
 que Signaturam in quavis gratia,
 nullatenus dispensatio veniat, nisi
 specialiter exprimatur, vel dicta
 gratia totaliter effectum huiusmodi
 dispensationis concernat, vel aliàs
 nihil conferat, aut operetur.

*Nulli suffragetur Dispensatio nisi
 literis confectis.*

52. Item, cū concessiones super
 gratijs Dispensationum quarum-
 cum-

cumque quibuscumque per ipsum D.N. concessarum, vel concedendarum per Regulas Cancellariæ Apostolicæ sint prouidè limitatæ, licet aliquando in petitionibus, super huiusmodi concessionibus oblatis, multa sint petita, ne quis talium concessionum prætextu, id dispensatiuè tenere, aut facere præsumat, ad quod concessionem huiusmodi se non extendant, voluit idem D. N. quod nulla talis dispensatio cuiquam in Iudicio, vel extra suffragetur, antequam super ea litteræ Apostolicæ sint confectæ.

*De clausulis ponendis in litteris
Indulgentiarum.*

53. Item, voluit, quod in litteris
ris

ris Indulgentiarum ponatur, quod si Ecclesiæ, vel Capellæ, aut aliàs aliqua Indulgentia fuerit per ipsum concessa, de qua inibi specialis mentio facta non sit, huiusmodi litteræ sint nullæ.

De Indulgentijs concessis ad Instar.

54. Item, voluit idem D.N. quod litteræ super Indulgentijs non expédiantur ad Instar, nisi specificentur.

De exprimendo valore Beneficiorum in impetrationibus.

55. Item, voluit, quod in gratijs quas quibusvis personis, de beneficijs vacantibus, seu certo modo vacatu-

vacaturis fieri contigerit illorum,
 & aliorum quorumcumque bene-
 ficiorum, quæ dictæ personæ tunc
 obtinuerint, seu de quibus eis fue-
 rit prouisum, vel concessum, aut
 mādatum prouideri, verus annuū
 valor per Marchas argenti, aut Ster-
 lingorum, vel libras Turonen. par-
 uorum, seu florenos auri, aut ducatos,
 vel vncias auri, seu aliam mo-
 netam secundum cōmunem esti-
 mationem exprimatur, nisi perso-
 næ prædictæ beneficia, quæ tunc
 obtinuerint, aut in quibus, vel ad
 quæ ius eis competit, iuxta ipsarum
 oblationes, aut alias dimittere te-
 neantur, alioquin gratiæ prædictæ
 sint nullæ; Et idem seruetur in
 gratijs quas à Sanctitate Sua Motu
 proprio emanare contigerit, quoad
 sinop bene-

beneficia tamē de quibus per S. Suā
pro tempore prouidetur, seu proui-
deri mādatur, aut aliās disponitur,
ac litteris per quas pro tempore ad
Ecclesiarum Patriarchalium, &
Cathedralium, ac Monasteriorum
regimina promotis conceditur, vt
Monasteria, & alia beneficia eccle-
siastica sæcularia, & regularia per
eos obtenta, & in quibus, & ad quæ
ius eis competit retinere possint.

*De clausulis in Beneficijs vacanti-
bus ponendis.*

36. Voluit, & ordinauit quod
quando prouidet, seu mandat pro-
videri alicui, de beneficio ecclesia-
stico vacante; tunc dari poterunt
clausulæ si petantur, etiam si illud
quouis

quouis modo &c. seu per Consti-
tutionem, *Execrabilis* vacet, & spe-
cialiter reservatum inter aliquos li-
tigiosum sit, & eius collatio deuo-
luta fuerit, & si pro collitigante,
vel subrogationem, aut *Si neutri*,
vel si nulli &c. petente, si tunc illis
specificè exprimatur, nec detur ali-
qua generalis reservatio dispositi-
vè, nisi desuper in concessione
specialis, & expressa, ac purè, & nō
sub conditione mentio fiat, & tunc
reliquæ reservationes ibi contentę
veniant. Si verò tempore expedi-
tionis inde litterarum generalis re-
servatio huiusmodi probari non
possit, aut in Novis provisionibus,
seu pro collitigantibus, *Si neutri*,
vel si nulli &c. sit expressum, quòd
ab aliquibus asseritur illum cuius

beneficium conceditur Collectorem, vel vnicum Subcollectorem, Abbreviatorem, vel familiarem, Notarium, aut dictæ Sedis Officialem fuisse, clausula ponatur etiam si dictum beneficium ex eo quod talis Collector, vel vnicus Subcollector, Abbreviator, vel familiaris, Notarius, aut dictæ Sedis Officialis fuit, dispositioni Apostolicæ generaliter reservatum existat, Dummodo non sit in eo alicui specialiter, ius quæsitum. In reliquis verò nulla clausula detur, vnde reservatio generalis elici possit, nisi desuper signatura per duplex Fiat, signatà sit, aut reservatio, vel aliàs specialiter habeatur.

De

De

De expressione qualitarum Beneficiorum in impetrationibus.

§ 57. Item, voluit quòd super beneficijs Ecclesiasticis de qualitatibus illorum videlicet, an Dignitates, Personatus, vel officia sint, et si què immineat cura animarum, & ad illa consueverint qui per electionem assumi, mentio fiat, alias gratiæ desuper factæ sint nullæ. Et si qualitates huiusmodi affirmatiuè, vel conditionaliter non exprimantur, negatiua expresse desuper fiat in beneficijs, quæ tales qualitates, vel ex eis aliquas consueuerint habere.

*De Beneficijs vacantibus per Contra-
ctum Matrimonij.*

§ 8. Item, si reseruetur benefi-
cium per contractum Matrimonij,
non dentur alij modi vacatibum
de futuro, nec censeatur beneficiũ
reservatũ specialiter, vel affectum,
nisi sequatur matrimonium. Sed
in beneficijs per promotionem,
aut ingressum Religionis, vel as-
suetudinem vacaturis, ponatur clau-
sula etiam si non petatur. Cum
beneficia huiusmodi præmissis, vel
alijs quovis modo &c. præterquam
per obitum obtinentis vacare con-
tingerit, etiam si vacent. Decernens
irritum &c.

93

De claufulis ponendis in lineis Re-
ligiosorum. . 515b

59. Item, voluit, quod si petatur aliquem in Religionem recipi, & sibi de quouis beneficio Ecclesiastico prouideri per simplicem signaturam Fiat, receptio huiusmodi dumtaxat deur, adiecto, si petens idoneus sit, aut aliud canonicum non obstat, & exprimatur si certus numerus Regularium sit ibidem, cui etiam non derogetur nisi expresse concedatur, & si numerus iste non existat, ponatur, Dummodo receptionis locus huiusmodi nimium propterea non grauetur. Possintque Executores prouisionis huiusmodi, ad receptionem emissionis professionis, nō

expectato probationis anno procedere.

De translatione Religiosorum.

60. Item, si Regularis petat sibi de beneficio ab aliquo Monasterio, vel alio regulari loco dependente, prouideri, & appareat ex petitione huiusmodi, quod alterius Monasterij, vel loci Religiosus sit, licet ibi translatio non petatur, nihilominus illa veniat.

De clausula, Si est ita.

61. Item, quod in litteris super beneficijs per Constitutionē Execrabilis, & vacantibus ponatur clausula, Si est ita, similiter de quibus-
cum-

cumque narratis informationem
facti requirentibus.

Reuocatio Decimarum, & aliarum

impositionum, & aliarum

impositionum, & aliarum

impositionum, & aliarum

impositionum, & aliarum

impositionum, & aliarum

impositionum, & aliarum

impositionum, & aliarum

impositionum, & aliarum

impositionum, & aliarum

que facultates super Decimarum,
vigesimali, & onerum huiusmo-
di exactione, quibuscumque fructuum,
& proventuum Camera Aposto-
lica debitorum Collectoribus,
& Apostolicę Sedis Nuncijs ab
eisdem Prædecessoribus conces-
sas suspendit quoque, ad Sum-
mae Sanctitatis, & Sedis Apostolicę be-
neplacitum, quas cumque plenarias
Indulgentias ab eisdem prædeces-
soribus ex quavis causa etiam ex-
peditiois huiusmodi concessas, si
quæ per Nuncios, vel Quæstores
deferre bantur, nec non deputandi,
& eligendi Confessores, qui plena-
riè absoluant, & alia faciant ad pa-
rum eadem Indulgentiarum suspen-
sionem effectum, reliquasque facul-
tates, ipsas Indulgentias quomodo libet

*Renuocatio facultatum percipiendi
pretium Officiorum.*

64. Item, reuocauit, cassauit, & annullauit, & act irritas declarauit quascumque facultates percipiendi pretium Officiorum Romanæ Curiae pro tempore vacantium in toto, vel in parte, & quasuis concessiones, & collationes, aliasque dispositiones per sel. record. Innocentium X. Prædecessorem suum de dictis Officijs etiã ex die collationum, concessionum, & dispositionum earundem in antea vacaturis, in fauorem quarumcunque personarum, Ecclesiarum, Monasteriorum, priorum locorum, Collegiorum, seu eorum Mensarũ, etiam perpetuò, etiam in vim contractus, & ex

& ex titulo oneroso, & sub alia
 quavis verborum forma, quam, &
 pramissorum tenores pro expressis
 haberi voluit, concessas, & factas,
 quoad Officia, quæ post obitum
 ipsius Prædecessoris, vacarunt, &
 in posterum quomodolibet vaca-
 bunt. Item, reuocauit quoque,
 cassauit, & annullauit, ac irritas de-
 clarauit quascumque Infeudatio-
 nes, Inuestituras, Gratias, Conces-
 siones quocummodo etiam in Em-
 phiteusim, ad tempus, seu in perpe-
 tuum, etiam Motu proprio, & de
 plenitudine potestatis, ac cum qui-
 busuis derogatoriis, derogato-
 rijs (extra tamen Consistorium, &
 sine S. R. E. Cardinalium, Consi-
 lio, & consensu) à die Constitutio-
 nis fel. record. Pij PP. V. Præde-
 cesso-

cessoris sui super prohibitione alie-
 nandi, & intendandi Ciuitates, &
 loca S. R. E. sub Datū Romæ apud
 S. Petrum anno Incarnationis Do-
 minicæ millesimo quingentesimo
 sexagesimo sexto, Quarto Kalend.
 Aprilis, Pontificatus sui anno se-
 cundo, vsque in præsentem diem,
 per quoscumque Romanū Pontifi-
 ces suos Prædecessores, aut manda-
 to, vel auctoritate eorum, quo-
 modocumque, ac qualitercum-
 que, & quouis colore factas, &
 concessas de Ciuitatibus, Terris,
 Oppidis, Castris, Arcibus, & locis
 S. R. E. & Sanctæ Sedis Apostolicæ
 & tam mediatè, quam immediatè
 subiectis, tunc videlicet de tempo-
 re dictarum Infeudationum, Inue-
 stiturarum, Gratiarum, & Conces-
 sio-

fionum nondum deudatis, nec-
 non quascunque prerogationes,
 & extensiones quarumcunque
 Infeudationum, Investiturarum,
 Gratiarum, & concessionum de
 dictis Ciuitatibus, Terris, Oppidis,
 Castris, Arcibus, & locis, tunc vi-
 delicet de tempore dictarum pro-
 rogationum, & extensionum non-
 dum finitarum quibuscunque personis,
 cuiuscunque gradus, status, & cō-
 ditionis, & præeminentiae etiam si
 Imperiali, Regali, Ducali, aut
 aliquaui præfulgeant Dignitate,
 etiam in vim contractus, & ex
 quocunque titulo etiam onero-
 so, & per quascunque, tam sub
 plumbo quam in forma Breuis sub
 annulo Piscatoris, aut etiam alias
 quomodocunque, & qualitercum-
 que

que expeditas litteras, ac sub quavis verborum forma, quam, & præmissorum omniū tenores, Sanctitas Sua pro expressis haberi voluit, latissimè extendendos.

Quod fructus in tertiâ parte augeri possint vigore clausulæ.

65. Item, cum nonnulli in impetrationibus Beneficiorum Ecclesiasticorum pro tempore vacantiū, & Certo modo vacaturorum, asserendo illorum fructus &c. certum per eos expressum annum valorem non excedere, nonnunquam obtineant à Sanctitate Sua, ut huiusmodi valorem annum augere possint; ut verius possit in confectione litterarum, super huiusmodi

im-

impetrationibus, summa, aut valor annuus exprimi, aliter desuper nō specificato, ne de veritate huiusmodi concessionis imposterum hæsitari contingat, Declaravit pretextu concessionis huiusmodi, valorem, ipsum usque ad tertiam partem valoris expressi, & in primā quæ desuper fiet litterarum expeditione, dumtaxat augeri posse, & eas quas litteris iam expeditis cum expressione valoris specificati, aut non, integro augmento prædicto, denuo desuper expediri contigerit litteras, cum aliquo augmento valoris huiusmodi, nullius esse roboris, vel momenti, etiamsi Motu proprio beneficiales gratiæ, & dispositiones quæcumque, à Sanctitate Sua emanauerint.

De

De la fordescentibus et quibus
 66. Item, ne personis, pro quibus
 litteræ Suæ Sanctitatis emanabunt
 ob generalem absolutionem à cen-
 suris Ecclesiasticis quibus ligati so-
 rent ad eorū effectū indifferenter
 cōcedi, & in litteris Apostolicis ap-
 poni solita, præstetur occasio cen-
 suras ipsas vilipēdendi, & insonde-
 scendi in illis, statuit, & ordinavit
 huiusmodi absolutionem, & clau-
 sulam in litteris, quas in futurum,
 cum illa concedi contingeret non,
 suffragari, non parentibus rei iudi-
 catae, Incendiarijs, Violatoribus
 Ecclesiarum, falsificatoribus, & fal-
 sificari procurantibus litteras, &
 supplicationes Apostolicas, & il-
 lis vrentibus; receptoribus, &
 fau-

fautoribus eorum, ac res vetitas ad Infideles deferentibus, violatoribus Ecclesiasticæ libertatis, via facti, ausu temerario Apostolicis mandatis non obtemperantibus, & Nuncios, vel Exequutores Apostolicæ Sedis, & eius Officialium, eius commissa exequentes, impediē- tibus, qui propter præmissa, vel ali- quod eorum excommunicati à iu- re, vel ab homine per quatuor mē- ses scienter excommunicationis sententiam huiusmodi sustinue- rint. Et generaliter quibuscum- que alijs qui censuris aliquibus etiā aliàs quàm ut præfertur quo- modolibet ligati in illis per an- num continuum inforduerint.

Univerſis illis, & singulis, & singulis
 & singulis illis, & singulis illis

*Officiales nihil exigant ultra
debitum.*

67. Item, idem D. N. exactioni-
bus quas Sanctitas Sua non sine
displicentia plerumque fieri intel-
lexit per Officiales Roman. Curie
qui constitutis sibi emolumentis
pro exercitio Officiorum, quæ ob-
tinent non contenti, ultra à profe-
quentibus negotiorum quorum-
dam expeditionem in eadem exi-
gere nō verentur, obuiare volens,
districtè precipiendo inhibuit om-
nibus, & singulis quævis officia in
eadem Curia obtinentibus, nè de
cetero quicquam pretextu Officio-
rum, quæ obtinent quouis colore
etiam celerioris expeditionis, ultra
emolumenta huiusmodi exigere,
seu

seu ad hunc effectū expeditionem eorum, quæ eis incumbunt malitiosè differre, sub Excommunicationis, & præter illam suspensionis à perceptione emolumentorum, huiusmodi pro prima ad semestre, & pro secunda ad annum, & pro tertia vicibus, quibus sic excederent, priuationis Officiorum per eos obtentorum in quibus sic excesserint pœnis. Ac voluit quòd S. R. E. Vicecancellarius, & Camerarius, excedentes ipsos respectivè, prout eis subfunt per subtractionem emolumentorū eorundem, ac alias, vt præfertur compellant ab huiusmodi illicitis exactionibus abstinere, ac contra eos per prædictas pœnas, & alias prout melius expedire viderint procedant.

*Reservatio Beneficiorum vacantium
Sede Apostolica vacante.*

68. Item, Sanctissimus D. N. providè considerans consuevisse quandoque Romanos Pontifices Prædecessores suos beneficia, quæ vacante Sede Apostolica vacare contigerat dispositioni suæ reservare, intendens de beneficijs huiusmodi, tam Conclauistis, quàm pauperibus Clericis, & alijs benemeritis personis providere, omnia, & singula beneficia per Regulas Cancellariæ Apostolicæ, aut quolibet alias Apostolicas Constitutiones temporales Romani Pontificis pro tempore existentis dispositioni quomodolibet, & ex quavis causa reservari solita, quæ à die obitus
felic.

felic. record. Innocentij X. Prædecessoris sui, vsque ad diem supradictam septimam Aprilis vacauerunt, & de quibus per quoscunque Ordinarios Collatores, tunc dispositum non fuerat, seu minus validè dispositum fuerat, suæ provisioni, ac dispositioni reseruauit. Decernens irritum &c.

Reuocatio Indulgentiarum superuenerunt.

69. Item, quia ad importunam, nonnullorum suggestionem quandoque contigit Prædecessores suos Romanos Pontifices pro tempore existentes, sub contractorum debitorum, vel diuersis alijs pretextibus concessisse, & indulgisse beneficiatis, vt fructus suorum benefi-

ciorum, aut partem eorum anticipatis solutionibus ad tempus elocare, vel erga Creditores, aut quascumque alias personas obligare, vel hypothecare, insolutum dare, aut alias quomodolibet de eis disponere liceret, ad tempus minimè restrictum, ad vitam supplicantium cum graui successorum præiudicio, & Ecclesiarum detrimento. Ideò indemitati Ecclesiarum, & successorum in beneficijs huiusmodi salubriter consulere volens, Reuocauit, cassauit, & annullauit omnia, & singula indulta, & facultates in ea parte qua nec dum vere, & realiter suum sortita sunt effectum, per quoscunque Romanos Pontifices Predecessores tuos hætenus ad fauorem quarumcunque personarum.

con-

concessas, quibus eis, vel eorum
singulis villo modo, & ex quavis
causa, vel prætextu permittitur
fructus certos, vel incertos, iura,
obuentiones, & emolumenta que-
cumque quorumlibet beneficiorum
per eos obtentorum anticipatis so-
lutionibus, ultra vnicum annum,
elocare, arrendare, ad firmam, vel
responsionem concedere, vel eos
ad fauorem quarumcumque per-
sonarum quomodolibet obligare,
vel hypothecare, insolutum dare,
aut de eis quomodolibet, & ex qua-
vis causa disponere pro tempore,
ad vitam Beneficiatorum, & tem-
pus quo beneficia huiusmodi obti-
nuerint minimè restricto, & coar-
ctato illorum tenores &c. Decer-
nens irritum &c.

Quod Cardinales non comprehendantur sub Regulis faciendis.

70. Item, cum S.R.E. Cardinales Sanctissimo D. N. assistant, ac propterea debeant specialibus prerogatiuis, & priuilegijs gaudere, Idem D. N. statuit, ordinauit, decreuit, & declarauit, quod in quibuscumque Constitutionibus, & Regulis per Sanctitatem Suam editis, & edendis nō comprehendantur, neque comprehensi censeantur ipsi Cardinales, nisi illę eorundem Cardinalium fauorem concernant, vel constitutiones edende de eorundem Cardinalium, vel maioris partis eorum consilio editę fuerint, seu in eisdem Regulis, & Constitutionibus facta fuerit ip-
forum

forum Cardinalium expressa mentio.

Quod Regulæ Cancellariæ non comprehendantur sub generalibus derogationibus.

71. Item, Sanctitas Sua statuit, & declarauit, quod præmissis, & quibuscumque alijs Regulis Cancellarię suo tempore edendis, ac publicandis, nunquam censeatur derogatū, in quibuscumque Constitutionibus, litteris, Breuibus, Indultis, & alijs Ordinationibus Apostolicis, etiam Motu proprio, & ex certa scientia emanatis, per quæcumque verba, & Decreta derogatoria, irritantia vniuersalia, & amplissima, & clausulas quantumuis efficacissimas

simas etiam derogatoriarum, derogatorias, atque specialis, & indiuiduæ expressionis, vim habentes, & habentia, nisi facta fuerit de illis expressa mentio, & non aliter, nec alio modo.

De potestate Reuerendiss. D. Vice-
cancellarij, & Cancellariam
Regentis.

72. Primo, quod possit committere absolutionem illorum, qui ignoranter in supplicationibus, vel in litteris Apostolicis aliquid scriberent, corrigerent, vel delerent.

Item, quod possit corrigere nomina, & cognomina personarum, non tamen eorum quibus gratias, & concessiones fiunt, ac Beneficio-

rum,

rum, dum tamen de corpore constet.

Item, quod possit omnes causas Beneficiales, etiam non de iudicatas committere in Curia, cum potestate citandi ad partes.

Item, quod processus Apostolica auctoritate decretos aggrauare possit, cum inuocatione brachij secularis, & sententias executioni demandari facere contra intrusos, & intrudendos per litteras Apostolicas desuper conficiendas, & non alias.

Item, quod possit signare supplicationes manibus duorum Referendariorum signatas, de Beneficijs Ecclesiasticis, Secularibus, & Regularibus dispositioni Apostolicæ generaliter non reservatis, quorum

rum

rum cuiuslibet valor centum florenorum auri de Camera, vel totidem librarum Turonenſium parvorum, ſeu totidem in alia moneta, ſecundum communem estimationem, valorem annuum non excedet.

Item, quod poſſit ſignare ſupplicationes etiam duorum Referendariorum manibus ſignatas de novis prouiſionibus, Si neutri, & Subrogationibus pro collitigantibus in quibus non detur clauſula Generalem reſervationem importans.

Item, quod poſſit ad ordines ſuſcipiendos arctatis prorogare terminos de dictis ſuſcipiendis ordinibus, uſque ad proxima tunc à iure ſtatuta tempora, in quibus ſic arctati

**Etati successiue ad ipsos Ordines
promoucantur .**

*Placet, Publicentur, & descri-
bantur . F.*

**Lectæ, & publicatæ fuerunt suprascriptæ Re-
gulæ Ordinationes, & Constitutiones in
Cancellaria Apostolica ab vno ex RR. PP.
DD. Maioris Præsidentis Abbreviatoribus
Anno Incarnationis Dominicæ Millesimo
sexcentesimo quinquagesimo quinto, die
vero vigesima mensis Aprilis Pontificatus
prælibati S. D. N. Anno Primo .**

Ioannes Baptista Maurus Procustos .



[illegible]

1960-1961
I. 1960

[illegible]

1. 1944



